

Нарт делкән бичг бичлгъни долан өдр

1957 джиләс ави Советск Союзд джил болгън октябрин 6-с ави экләд октябрин 12 күртл „Нарт делкән бичг бичлгъни долан өдр“ болн гиджәнә. Эн кегдјәх төр—мана орн-нутгин олн-әмтнә хоорндан поштар дамджулдж бичг бичлгъниг культурн болн үр-иньгилгъни залгълдаг, ухан-седклән, медрл-сургъулән болн кӧдлмшин дамшлтан хувацлгъниг өргджүлхмн. Ташр деернә, „Нарт делкән бичг бичлгъни долан өдр“ газадин ордула экономическ болн культурн залгълда кехд, төвкнүн бәәлт хадгълх цәәлгъвр тархад болн нарт делкән олн-әмтнә ни бәәлгъниг ясрулхд дӧнә-нӧкд болхмн.

„Нарт делкән бичг бичлгъни долан өдр“ келгън олн-әмтнә поштар залгълда келгънә тускиг ясрулсн деерән, поштд кӧдлдг улс дааджах кӧдлмшән киндж, үзмджтәгъяр

кӧдлхнә лавта. Мана Тӧрскнә поштд кӧдлдг әмтс джилин дӧрвн цагла, өдр-сӧ гилго, ямаран чигн салькн, шуургънд кесг сай бичг, газет, журналмуд, посылкс болн илгәгдсн мӧнъгиг цаглань күргдж өгцхәнә.

Мана Хальмг таньгъчин залгълдана цергләчнр 9 сар күцц биш цагин эргцд 16 сай зүсн-зүүл бичг, газет, посылкс болн илгәсн мӧнъг тархадж өгцхәв.

Мана таньгъчин күч-кӧлсчнр, поштин залгълдана алькчигн тусинь олзлдж чадджана. „Нарт делкән бичг бичлгъни долан өдр“ — мана таньгъчин залгълдана цергләчнрт кӧдлмшән ясрулхднә тусан халдадж, олн-әмтиг цаглань залгълдана кӧдлмшәрн тетгхнә лавта.

Г. ВАСИЛЬЕВ,

Хальмг таньгъчин залгълдана управленә, поштин отделин заведующ.